

蜀藏叢書

第四十三冊

巴蜀珍稀教育文獻匯刊

主編 李 高志剛

成都時代出版社



蜀藏叢書

第四十三册

巴蜀珍稀教育文獻匯刊

主編 李勇先 高志剛

成都時代出版社

目 錄

第四十三冊

四川學務文件匯編續 (清)佚名編 清光緒末刻本

石室紀事 成都聯合縣立中學校輯 民國十三年鉛印本

(清)佚名撰

四川學務文件匯編
續

清光緒末刻本

四川學務文件彙編卷二

普通科目目錄

廣籌經費設立半日學堂札 光緒三十二年二月初八日由學憲通飭

奏覆許道珏條陳學務摺 光緒三十三年六月二十九日由學憲通飭

畫一旅學無論何省學生皆准收入札 光緒三十四年四月二十日由學憲通飭

設立女子師範學堂仍防流弊原奏 光緒三十四年八月二日由學憲通飭

中學堂小學堂學生不准吸食煙捲劄文並原撥辦法 光緒三十四年十一月二十二日由學憲通飭

宣講宜用純正淺顯之書免滋流弊札並書目表 光緒三十二年十月二十五日由學憲通飭

學部奏定師範獎勵義務章程原摺 光緒三十三年四月二日由學憲通飭

學部奏定師範學堂畢業獎勵章程

四川學務文件彙編卷二

奏定女學堂章程並原奏光緒三十三年五月初二日由學憲通飭

頒發各學堂修業文憑及存根簿式樣札光緒三十四年十月二十九日由

通飭學憲

高等小學堂學科程度時間表

初等小學堂學科程度鐘點表

高等小學堂暫定通用各科書目表

初等小學堂暫定通用各科書目表

學生缺席扣分辦法札光緒三十四年二月十四日由學憲通飭

發州縣學堂謀始札並原書光緒二十九年十月二十六日由學憲通飭

升選高等學堂學生須合定式札光緒三十四年五月二十日由學憲通飭

各屬高等初等小學堂須改良教法札光緒三十四年七月二十八日由學憲通飭

札發建築兩等小學堂圖說文光緒三十四年十二月十四日由學憲通飭

廣籌經費設立半日學堂札

光緒三十二年二月初八日由學憲通飭

計粘抄片一件內開再各省設立學堂能入學者多係富家子弟其貧寒子弟急待謀生者大半難得入學擬請

飭下各將軍督撫諭令各州縣廣籌經費立半日學堂專收貧寒子弟不取學費不拘年歲使之無所藉口無所畏難延請教習勤爲講解俾畧識道理漸能養成人格似於風俗大有裨益且此項學堂愈多愈善無論城鄉每二三百家卽應設一處庶嚮學者眾教育可以普及臣爲廣開民智起見是否有當附片具陳伏乞

聖鑒謹

奏

--	--	--	--	--	--

候選道許珪條陳學務摺光緒三十三年六月二十九日出 學憲通飭

奏為遵

旨議覆恭摺仰祈

聖鑒事三月初三日軍機處抄交都察院代遞候選道許珪條陳學務一摺奉

旨該部議奏欽此欽遵到部查原奏內稱學堂奏定章程非不重四書五經然大概多視為具文蓋辦學之人既多尚新異而教科太形糅雜勢亦相妨上年在里見十齡外幼童入學堂已四五年尚未讀四書者可為歎息今宜申明奏定章程凡十齡以前必誦讀孝經四書十齡以外仿從前專經之例許專讀一經等語臣等查奏定章程由初等小學堂至中學堂所以勻配讀經鐘點至詳且備於學務綱要特標注重讀經

以存聖教專條聲明學堂不讀經書則是堯舜禹湯文武周公孔子之道所謂三綱五常者盡行廢絕學失其本則無學政失其本則無政其本既失則愛國愛類之心亦隨之而易慮之深故不憚言之切今章程頒布已屆四年上年復通行各省調查各府州縣學堂課程文電交催今春直隸山西河南浙江廣西等省先後送到臣等督飭司員逐一鈎稽大致均照章程辦理其有偏重西學荒棄經訓以及黑守舊習科學不備均經隨時指駁並一面派員抽查若有如原奏所云視章程爲具文以及十齡外幼童入學已四五年尙未讀四書者應飭知各提學使嚴行查察如仍玩忽不遵卽當指名參辦以正宗旨而重部章至該道員所稱凡十齡以前必誦讀孝經四書十齡外許生徒專讀一經等語較之奏定章程

限讀經書較爲減少自係兒童日力有限期於核實起見臣等亦籌議及之竊以爲限制年齡不如就小學年限酌量分配約計兩等小學於孝經四書之外亦必須再讀一經惟兩等小學爲教育初基關係重要擬由臣部參酌現在情形酌量條訂再行具奏請

旨遵行又原奏內稱中學堂以上不必人人盡習外國語言文字合各省中學堂以上人數苟十人中得兩三人兼習語言文字已足供一

國家之用凡誠懇篤實之資口舌類不能靈敏愈多勞而愈寡效故陝甘等省尤非所宜今當於原定章程中將外國語言文字分別裁減以求盡善等語臣等查該道所稱係專備譯才之用故十人中得兩三人則已足前管學大臣等係爲因時

勢以造人才統中外而求優勝蓋鑒於當日不通洋文者於交涉游歷等無不窒礙而粗知通洋文者徃徃居奇其猾黠悖誕者則專採外國書報異乎中國禮法不合中國政體者割裂而繙譯之更附以私意故爲增損以求自圓其說假令中國通洋文者多則此種荒謬悖誕之繙譯決無所施其伎倆故中學堂以上各學堂必令勤習洋文而大學堂經學理學中國文學史學各科尤必深通洋文而後其用乃爲最大斯實爲通中外消亂賊息邪說距詖行起見其用意各有不同且定章中學堂外國文鐘點不過十分之三其餘修身讀經中國文學以及歷史地理均以中文授課實占十之六七果使咸守課程自無偏西文之弊擬卽分飭各提學使申明定章嚴行督查務期造通才而保國粹至原奏所稱分別裁

減之處擬俟中國科學大明承學之士各有專家一切專門學問皆以國文授受再行酌議辦理又原奏內稱西式操服必宜禁革今學堂多習體操未甚爲非乃因體操而遂著西服宜由學部通行各直省亟改各學堂西式操服等語查本年臣部會同陸軍部議覆都統呂海寰摺內聲明練兵處奏定新軍服式尙以爲便學堂操服應仿照辦理惟學堂以外不得濫用奉

旨允准在案是學堂操衣准用軍服並非准用西服應本原奏再行嚴飭各學堂一體遵照且聞京外各學堂操服多用洋呢洋布旣多漏卮亦有乖於土物愛厥心藏之義應請由臣部通飭各學堂嗣後一律改用內地自製土布以昭畫一又原奏內稱女學堂宜遵守中國禮教不可參用西俗近日學部

奏定女學堂章程學齡以七歲至十四歲爲限似已深知名
省女學之弊而思拔去其根株惟是此輩好新尙異多視功
令爲弁髦卽如外城女學傳習所一處其招考學生告白顯
與此次奏定章程相悖近日復有婦女藉口江北賑災屢次
開會出賣茶座列市售物女學生登臺唱歌此等情形學部
宜查明嚴禁並申明女子學齡卽女教習亦必年過四十方
許充當並乞將順治十三年

御纂內則衍義一書命儒臣敬謹校刊等語臣等查女學關係至
重東西各國以踰閑蕩檢爲可憂未嘗不以坐食交謫爲大
戒本年臣部奏定女學堂章程內稱凡東西各國成法有合
乎中國禮俗裨於教育實際者則仿之其於禮俗實不相宜
者則罷之等語實於啟發知識保存禮教二者之間權衡至

熟本年二月南城開女學慈善會以江北賑災列肆售物令女學生在會執事於中國禮教實不相合經臣部督學局查明即日諄切曉諭尅期禁阻併咨行民政部會同示禁在案嗣後京外女學堂凡與此次奏定章程有相抵牾者均由管理員學務人員及地方官隨時考察實力糾正以杜流弊至原奏內稱女教習必年過四十始許充當一節現在女學教員至爲缺乏若過於限制轉恐遷就似宜查其性行未便過拘年歲女學興辦伊始修身一科莫要於涵養德性實踐躬行臣等恭讀

世祖章皇帝御纂內則衍義一書爲卷十六爲目有八允爲化民成俗之要典擬由臣部敬謹刊刻成書一律頒發京外女學堂隨時宣講以端教化之原立家庭之則如蒙